

**PERADUAN SAHUT CABARAN REALISASI IMPIAN MARIGOLD  
TERMA DAN SYARAT**

**A: Jadual Syarat Penyertaan**

<b>Penganjur</b>	<p>Cotra Enterprises Sdn Bhd [No. Pendaftaran 198301000270 (95503-T)] No. 7, Jalan 19/1, 46300 Petaling Jaya, Selangor Darul Ehsan.</p> <p>Dengan kerjasama: Sun Life Malaysia Assurance Berhad [No. Pendaftaran 199001005930 (197499-U)] Level 11, 338 Jalan Tuanku Abdul Rahman, 50100 Kuala Lumpur, Malaysia.</p> <p>(Secara kolektif, “Penganjur”)</p>
<b>Peraduan</b>	Peraduan Sahut Cabaran Realisasi Impian MARIGOLD (“Peraduan”)
<b>Tempoh Peraduan</b>	<p>Peraduan Sahut Cabaran Realisasi Impian MARIGOLD bermula pada jam 00:00:01, <b>01hb September 2022</b> dan ditutup pada jam 23:59:59, <b>31hb Oktober 2022</b> (“Tempoh Peraduan”).</p> <p>Semua penyertaan yang diterima di luar Tempoh Peraduan tidak akan dilayan dan akan terbatal secara automatik.</p>
<b>Kelayakan</b>	<p>Peraduan ini terbuka kepada semua warganegara Malaysia yang berusia lapan belas (18) tahun dan ke atas dengan identiti pengenalan sah (MyKad) pada permulaan Tempoh Peraduan (secara kolektif, “Peserta”). Penganjur berhak untuk meminta dokumen pengenalan sebagai bukti pengesahan identiti Peserta.</p> <p>Golongan berikut tidak berkelayakan untuk menyertai Peraduan ini:</p> <p>(a) Pekerja-pekerja Penganjur, syarikat-syarikat sekutunya dan ahli keluarga terdekat mereka (suami/isteri, anak, ibu bapa, adik beradik dan pasangan mereka); dan</p> <p>(b) Pekerja-pekerja bagi ejen-ejen atau kontraktor-kontraktor Penganjur yang berkaitan dengan Peraduan dan keluarga terdekat mereka (suami/isteri, anak, ibu bapa, adik-beradik dan pasangan mereka).</p>
<b>Kaedah Penyertaan</b>	<p>Untuk menyertai Peraduan ini, Peserta mestilah melaksanakan 2 langkah mudah seperti berikut:</p> <p>(a) Langkah 1: Beli mana-mana Susu UHT MARIGOLD berikut untuk menyertai. Setiap set pembelian dianggap sebagai satu penyertaan.</p> <ul style="list-style-type: none"><li>i. Susu UHT MARIGOLD 1L x 1</li><li>ii. Susu UHT MARIGOLD 6x200ml x 1 set</li><li>iii. Susu UHT MARIGOLD 3x200ml x 2 set</li></ul>

	<p>(b) Langkah 2:</p> <ol style="list-style-type: none"> <li>i. WhatsApp gambar resit rasmi ke 017-560 0782</li> <li>ii. dan jawab satu soalan.</li> </ol> <p>Peserta dikehendaki menyimpan resit rasmi sebagai bukti pembelian untuk tujuan pengesahan.</p>
<p><b>Kriteria dan Proses Pemilihan Pemenang</b></p>	<ol style="list-style-type: none"> <li>(a) Peserta dikehendaki membeli Susu UHT MARIGOLD seperti yang tersebut di atas.</li> <li>(b) Hanya resit cetak rasmi daripada pasaraya-pasaraya atau platform atas talian yang akan diterima sebagai resit sah untuk menyertai peraduan ini. Resit manual dianggap tidak sah dan tidak akan diterima untuk menyertai peraduan ini.</li> <li>(c) Resit cetak rasmi yang dihantar mesti berada dalam Tempoh Peraduan yang ditetapkan. Ia tidak akan diterima untuk menyertai peraduan ini sekiranya berada di luar Tempoh Peraduan.</li> <li>(d) Setiap penyertaan yang mengikut setiap langkah yang ditetapkan dalam Terma dan Syarat akan dikira sebagai penyertaan yang sah dan layak. Penyertaan yang tidak sah tidak akan diambil kira dan tidak akan dimasukkan dalam senarai Peserta.</li> <li>(e) Setiap peserta hanya layak untuk memenangi satu (1) hadiah sahaja sepanjang Tempoh Peraduan walaupun pelbagai (multiple) penyertaan dibenarkan.</li> <li>(f) Pemenang akan dipilih melalui sistem penjana komputer.</li> <li>(g) Pemenang akan dihubungi sebanyak 3 kali dengan WhatsApp melalui talian telefon bimbit yang diguna untuk menghantar penyertaan. Sekiranya mana-mana Pemenang tidak dapat dihubungi selepas 3 percubaan atas apa jua sebab, Pihak Penganjur akan menghubungi Pemenang tersebut dengan 1 percubaan terakhir melalui panggilan.</li> <li>(h) Pihak Penganjur berhak untuk mengganti Pemenang tersebut sekiranya tidak dapat dihubungi selepas percubaan terakhir dilakukan atas apa jua sebab, peserta lain yang memenuhi kriteria yang ditetapkan akan dipilih sebagai pengganti.</li> <li>(i) Semua Pemenang harus memaklumkan nama penuh (seperti dalam kad pengenalan MyKad), nombor kad pengenalan, alamat, email dan nombor telefon dalam masa tiga (3) hari dari tarikh mesej WhatsApp yang dihantar terakhir.</li> <li>(j) Pemenang akan diumumkan melalui laman Facebook MARIGOLD UHT Milk MY, Instagram Marigold UHT Milk MY dan laman peraduansahutcabaranmarigold.com.my ("<b>Pengumuman</b>") dalam masa 4 minggu selepas tempoh peraduan tamat.</li> <li>(k) Pemenang hadiah wang tunai akan dijemput untuk menghadiri Majlis Penyampaian Hadiah yang berlangsung di pejabat pihak Penganjur bertempat di Petaling Jaya, Selangor.</li> </ol>

	<p>(l) Sekiranya pemenang hadiah wang tunai tersebut tidak dapat menghadiri secara peribadi pada tarikh and masa yang ditetapkan atas apajua sebab, pihak Penganjur membenarkan pemenang tersebut menghantar wakil untuk menerima hadiah wang tunai bagi pihaknya dengan syarat mandatori memaklumkan surat kebenaran kepada pihak Penganjur lima (5) hari sebelum majlis berlangsung.</p> <p>(m) Surat kebenaran tersebut perlu menyatakan butiran peribadi wakil termasuk nama penuh seperti dalam kad pengenalan MyKad, no. kad pengenalan MyKad dan perhubungannya dengan pemenang.</p>
<b>Hadiah</b>	<p>Peserta dikehendaki menyimpan dan membekalkan resit rasmi sebagai bukti pembelian produk Susu UHT MARIGOLD untuk tujuan tuntutan hadiah. Sekiranya pemenang gagal membekalkan resit rasmi tersebut, kelayakan sebagai pemenang akan dibatalkan.</p> <p>(a) Hadiah          Hadiah Pertama: Wang Tunai RM20,000 x 1          Hadiah Kedua: Wang Tunai RM10,000 x 1          Hadiah Ketiga: Wang Tunai RM5,000 x 6          Hadiah Saguhati: Tablet x 15</p> <p>(b) Hadiah wang tunai akan dibayar melalui cek berdasarkan nama penuh pemenang seperti dalam kad pengenalan MyKad. Pemenang bertanggungjawab untuk memberi nama penuh yang betul dan sah. Pihak Penganjur tidak akan bertanggungjawab jika butiran yang diberikan oleh Peserta didapati tidak betul atau tidak lengkap.</p> <p>(c) Hadiah tablet elektronik akan dihantar melalui courier ke alamat rumah yang dibekalkan.</p>
<b>Tarikh Tuntutan/Serahan Hadiah</b>	<p>Semua hadiah akan diproses dalam tempoh empat (4) hingga enam (6) minggu dari tarikh pengumuman senarai pemenang.</p>

Jadual Syarat Penyertaan ini hendaklah dibaca bersama dengan Syarat-Syarat Penyertaan yang disertakan di dalam dokumen ini (secara keseluruhannya “**Terma dan Syarat**”) dan akan terpakai kepada semua Peserta yang menyertai Peraduan ini. Dengan menyertai Peraduan ini, Peserta dianggap telah membaca dan bersetuju terhadap Terma dan Syarat dan pemprosesan data peribadinya seperti yang dinyatakan di dalam notis privasi.

## **B: Syarat-Syarat Penyertaan**

### **1. Pengenalan**

- 1.1 Syarat-Syarat Penyertaan ini mesti dibaca bersama dengan Jadual Syarat Penyertaan, secara kolektif akan dirujuk sebagai “**Terma dan Syarat**”, dan terpakai kepada semua Peserta. Jika terdapat sebarang percanggahan antara Syarat-Syarat Penyertaan dan Jadual Syarat Penyertaan, Jadual Syarat Penyertaan hendaklah diguna pakai. Setiap terma di Syarat-Syarat Penyertaan dan Jadual Syarat Penyertaan yang berhuruf besar jika tidak dinyatakan selainnya di dalam Terma dan Syarat ini hendaklah mempunyai maksud yang ditakrifkan untuk terma sedemikian dalam Jadual Syarat Penyertaan. Jika terdapat ketidakpastian, dan perbezaan, Penganjur berhak untuk memberi keputusan, menjelaskan, menegaskan dan/atau menentukan takrifan yang paling tepat terhadap ketidakpastian dan perbezaan tersebut.
- 1.2 Penganjur berhak mengikut budi bicaranya, tanpa memberi notis terlebih dahulu, dan tanpa menanggung sebarang liabiliti terhadap sesiapa, pada bila-bila masa untuk mengubah Terma dan Syarat termasuk mengubah Tempoh Peraduan, membuat penggantian hadiah, membatalkan, menamatkan atau menggantung Peraduan secara keseluruhan atau sebahagiannya. Sekiranya terdapat sebarang perubahan kepada Terma dan Syarat, Peserta bersetuju bahawa penyertaan berterusan mereka dalam Peraduan ini menandakan penerimaan mereka terhadap Terma dan Syarat (sebagaimana yang diubah).
- 1.3 Keputusan Penganjur dalam semua perkara yang berkaitan dengan Peraduan termasuk pemilihan pemenang adalah muktamad, mengikat dan tidak boleh dipertikaikan oleh setiap Peserta. Sebarang surat menyurat atau rayuan berkaitan dengan pemilihan pemenang tidak akan dilayan.

### **2. Penyertaan Peraduan**

- 2.1 Dengan penyertaan Peraduan ini, Peserta dianggap sudah membaca, memahami dan bersetuju untuk terikat dengan Terma dan Syarat ini.
- 2.2 Semua kos dan perbelanjaan yang ditanggung dan/atau timbul daripada penyertaan Peraduan ini, termasuk tetapi tidak terhad kepada caj telekomunikasi, rangkaian, khidmat pesanan ringkas, pos dan semua caj lain sedemikian dan perbelanjaan sendiri yang mungkin dibelanjakan semasa atau berhubung dengan Peraduan ini hendaklah ditanggung oleh Peserta.
- 2.3 Bukti penghantaran penyertaan bukanlah bukti penerimaan, dan Penganjur tidak akan bertanggungjawab dan tidak boleh dipertanggungjawabkan terhadap sebarang penyertaan yang lewat, hilang, rosak dan/atau tidak diterima. Penganjur tidak akan bertanggungjawab terhadap sebarang kesilapan, ketinggalan, gangguan, pemadaman, kerosakan, kelewatan operasi atau penghantaran, kegagalan talian komunikasi, kecurian atau kemusnahan, capaian tanpa izin, atau pengubahsuaian komunikasi pengguna atau ahli, atau sebarang masalah atau gangguan teknikal terhadap sebarang rangkaian atau talian telekomunikasi, sistem komputer dalam talian, pelayan atau penyedia perkhidmatan, peralatan komputer, sistem perisian, kegagalan e-mel atau akibat masalah akaun teknikal Peserta atau kesesakan trafik Internet.
- 2.4 Penganjur boleh meminta Peserta untuk menyediakan bukti kelayakan untuk menyertai

Peraduan ini termasuk, tetapi tidak terhad kepada, dokumen pengenalan diri.

- 2.5 Penganjur mempunyai budi bicara mutlak untuk menghapuskan, memadam dan membatalkan kelayakan mana-mana penyertaan yang difikirkan oleh Penganjur sebagai tidak wajar atau tidak sesuai atau tidak sah yang mungkin termasuk, tetapi tidak terhad kepada penyertaan yang mengandungi apa-apa bentuk, kata-kata kesat, kandungan atau apa-apa perkara yang mungkin dianggap sebagai menyinggung atau sensitif.

### **3. Perlucutan Kelayakan**

- 3.1 Penyertaan yang melanggar Terma dan Syarat, undang-undang dan/atau peraturan yang berkuat kuasa akan dilucutkan kelayakannya secara automatik.
- 3.2 Selain itu, Penganjur berhak untuk melucutkan kelayakan mana-mana Peserta yang menjejaskan, telah atau cuba menjejaskan perjalanan Peraduan dengan pemalsuan, atau penipuan, seperti menyunting gambar resit dalam penyertaan.
- 3.3 Sekiranya perlucutan kelayakan berlaku selepas hadiah diberikan, Penganjur berhak untuk menuntut pemulangan hadiah atau bayaran nilainya daripada Peserta yang dilucutkan kelayakannya dan Peserta tersebut hendaklah memulangkan hadiah tersebut atau bayaran nilai yang berkaitan dalam tempoh seperti yang ditetapkan dalam tuntutan oleh Penganjur.

### **4. Hadiah**

- 4.1 Penganjur, ejen, penaja dan wakilnya tidak bertanggungjawab terhadap mana-mana Peserta yang gagal menuntut hadiah menurut ketetapan tuntutan hadiah/tarikh penghantaran dalam apa keadaan sekalipun. Penganjur berhak menentukan pengurusan hadiah yang tidak dituntut.
- 4.2 Hadiah sama sekali tidak boleh dipindah milik, diserahkan hak, ditukar atau ditebus oleh Peserta dalam apa-apa bentuk lain atau cara lain daripada yang ditetapkan oleh Penganjur.
- 4.3 Sebarang kos tambahan yang tidak dinyatakan secara khusus dalam Jadual Syarat Penyertaan berkaitan hadiah hendaklah ditanggung oleh Pemenang.
- 4.4 Semua hadiah mesti diambil tertakluk kepada Terma dan Syarat Penganjur, ejennya, penaja atau pihak ketiga yang menyediakan hadiah.
- 4.5 Hadiah diberikan berasaskan kepada "keadaan seperti sedia ada". Hadiah hendaklah digunakan/diambil sepenuhnya atas risiko Peserta dan Penganjur sama sekali tidak menjamin ataupun memberi sebarang jaminan mahupun menanggung sebarang liabiliti berhubung dengan hadiah setakat yang dibenarkan undang-undang.
- 4.6 Hadiah hendaklah dituntut oleh Peserta sendiri melainkan Penganjur menetapkan cara lain untuk tuntutan.
- 4.7 Pihak Penganjur berhak menggantikan mana-mana Hadiah dengan hadiah lain yang sama nilainya tanpa sebarang notis.

### **5. Publisiti**

Penganjur boleh menggunakan penyertaan Peserta termasuk tetapi tidak terhad kepada video, gambar, lukisan, teks, dan sebarang kandungan atau maklumat lain yang dikemukakan untuk tujuan Peraduan (secara kolektif dirujuk sebagai "**Bahan**"), dan nama Peserta, dan/atau persamaannya, untuk tujuan pengiklanan, publisiti dan promosi mana-mana barangan Penganjur, untuk tempoh tidak terhad di seluruh dunia tanpa pampasan, dan di mana-mana

media. Peserta hendaklah melakukan segala perkara yang perlu untuk tujuan ini jika diminta oleh Penganjur.

## **6. Hak Milik Harta Intelek**

Peserta bersetuju bahawa segala hak milik harta intelek dalam sebarang kandungan dan/atau Bahan yang dikemukakan, dibuat atau dicipta oleh Peserta berhubung dengan Peraduan ini dan sebarang hasil kerja terbitan yang timbul daripadanya akan secara kekal dan tanpa syarat menjadi hak, kepunyaan dan milik Penganjur. Penganjur berhak menggunakan dan mengubah suai Bahan atau hasil kerja tersebut dalam apa cara sekalipun yang dianggap sesuai tanpa pampasan kepada Peserta dan Peserta mengetepikan segala haknya ke atas Bahan atau hasil kerja tersebut.

## **7. Indemniti**

Setiap Peserta bersetuju untuk melindungi, melepaskan dan tidak mempertanggungjawabkan Penganjur dan syarikat pegangan, subsidiari atau syarikat berkaitannya sebagaimana ditetapkan dalam Akta Syarikat 2016 ("Cotra Enterprises Sdn. Bhd. dan Sun Life Malaysia Assurance Berhad"), para pengarah, pegawai, kakitangan, ejen, penaja dan/atau wakilnya daripada sebarang dan semua kerugian, hak, tuntutan, tindakan dan kerosakan (termasuk kerosakan khas, tidak langsung dan lanjutan) yang timbul daripada atau ditanggung akibat penyertaan Peserta dalam Peraduan, penerimaan sebarang hadiah, dan/atau penggunaan penyertaan Peserta dan/atau persamaannya berhubung dengan Peraduan ini atau pelanggaran Terma dan Syarat.

## **8. Had Liabiliti**

8.1 Penyertaan Peserta dalam Peraduan ini adalah atas risiko Peserta sendiri.

8.2 Penganjur, Cotra Enterprises Sdn. Bhd. dan Sun Life Malaysia Assurance Berhad, para pengarah, pegawai, kakitangan, ejen, penaja dan/atau wakilnya tidak akan bertanggungjawab dan tidak boleh dipertanggungjawabkan ke atas mana-mana Peserta termasuk berhubung dengan sebarang kerugian atau kerosakan dan sebagainya yang ditanggung, termasuk tetapi tidak terhad kepada kerugian secara tidak langsung atau berlanjutan, atau untuk kecederaan peribadi yang ditanggung atau dialami oleh Peserta yang timbul daripada atau berhubung dengan penyertaan Peserta dalam Peraduan ini, dan juga penebusan dan/atau penggunaan sebarang hadiah yang dimenangi oleh Peserta.

## **9. Am**

9.1 Penganjur, ejen, penaja dan/atau wakilnya tidak akan bertanggungjawab dan tidak boleh dipertanggungjawabkan untuk menunaikan mana-mana kewajipan mereka berhubung dengan Peraduan dan Terma dan Syarat di mana kegagalan mereka untuk berbuat demikian adalah disebabkan oleh keadaan di luar kawalan mereka dan tidak boleh dipertanggungjawabkan untuk memberi pampasan kepada Peserta dalam apa cara sekalipun dalam keadaan sedemikian.

9.2 Sebarang nama, tanda perdagangan atau logo yang digunakan dan/atau diterbitkan semula dalam sebarang Bahan (termasuk bahan pemasaran dan promosi) berhubung dengan Peraduan ini, khususnya yang berkaitan hadiah, adalah hak milik pemilik masing-masing. Peraduan ini dan Penganjur tidak mempunyai pertalian dengan, atau mendapat pengesahan atau tajaan daripada pemilik berkenaan, melainkan dinyatakan sebaliknya, dan pemilik berkenaan bukanlah sebahagian daripada syarikat Cotra Enterprises Sdn. Bhd. dan Sun Life Malaysia Assurance Berhad.

- 9.3 Peserta tidak berhak untuk menyerah atau memindah mana-mana hak atau subkontrak mana-mana kewajipan yang terkandung di dalam Terma dan Syarat. Penganjur berhak untuk menyerahkan atau melesenkan seluruh atau mana-mana bahagian haknya kepada mana-mana pihak ketiga sebagaimana yang boleh ditentukan oleh Penganjur.
- 9.4 Ketidaksahan, kesalahan dari segi undang-undang atau ketidakbolehan penguatkuasaan mana-mana Terma dan Syarat Peraduan ini tidak akan mempengaruhi atau menjejaskan kesinambungan pelaksanaan Terma dan Syarat Peraduan yang selainnya.
- 9.5 Terma dan Syarat ini hendaklah diertikan, ditadbir, dan ditafsirkan menurut undang-undang Malaysia.

## 10. Notis Privasi

- 10.1 Dengan menyertai Peraduan ini, Peserta telah bersetuju untuk Penganjur dan mana-mana syarikat Cotra Enterprises Sdn. Bhd., Sun Life Malaysia Assurance Berhad, dan pembekal-pembekal perkhidmatan, ejen-ejen dan kontraktor- kontraktor yang memberikan sokongan pentadbiran dan perniagaan kepada Penganjur dan bertindak bagi pihak Penganjur ("**Pihak-Pihak Lantikan Ketiga**") (secara kolektif "**Penganjur**") memproses maklumat peribadi Peserta yang dikemukakan bagi tujuan penyertaan Peraduan ini termasuk mendedahkan nama Peserta kepada masyarakat umum apabila Peserta menjadi pemenang dalam sesuatu pertandingan atau menyertai acara Penganjur dengan menerbitkan nama, gambar-gambar dan lain-lain maklumat peribadi Peserta tanpa pampasan untuk tujuan pengiklanan dan publisiti.
- 10.2 Penganjur juga boleh menggunakan maklumat peribadi Peserta bagi tujuan menghubungi dan menghantar maklumat atau bahan-bahan pemasaran dan promosi mengenai produk Penganjur, perkhidmatan, sampel, apa-apa promosi, acara atau pertandingan yang dianjurkan oleh Penganjur. Peserta hendaklah menyatakan pilihan semasa penyerahan sekiranya Peserta bersetuju kepada penggunaan maklumat peribadinya bagi tujuan Klausula 10.2 ini.
- 10.3 Sekiranya Peserta bersetuju untuk berkongsi dan mendedahkan maklumat peribadi seseorang yang Peserta berhasrat untuk menjadikan sebagai rujukan kepada Penganjur, Peserta mengakui bahawa Peserta telah mendapatkan persetujuan daripada individu tersebut untuk berkongsi dan mendedahkan maklumat peribadinya kepada Penganjur dan untuk dihubungi oleh Penganjur.
- 10.4 Pada masa tertentu, Penganjur mungkin melantik Pihak-Pihak Lantikan Ketiga untuk memproses maklumat peribadi Peserta. Semua Pihak-Pihak Lantikan Ketiga adalah terikat secara kontrak untuk mengambil langkah-langkah yang sewajarnya untuk menyimpan maklumat dengan selamat dan tidak menggunakan maklumat peribadi Peserta dalam apa jua cara selain daripada yang dinyatakan di dalam Terma dan Syarat ini.
- 10.5 Sila ambil perhatian bahawa Penganjur memerlukan maklumat peribadi Peserta untuk memproses penyertaan Peserta dalam Peraduan ini dan tanpa maklumat yang diperlukan, Penganjur tidak akan dapat memproses permohonan Peserta.
- 10.6 Penganjur mungkin memerlukan Peserta untuk mengemukakan maklumat peribadi sensitif (seperti data yang berkaitan dengan keadaan kesihatan Peserta) sekiranya Peserta menyertai mana-mana Peraduan Penganjur.

Peserta mempunyai pilihan, pada bila-bila masa, untuk tidak memberikan maklumat peribadi sensitifnya atau membatalkan kebenarannya kepada Penganjur untuk memproses maklumat peribadi sensitif tersebut. Bagaimanapun, kegagalan untuk mengemukakan maklumat peribadi

sensitif ini atau pembatalan kebenaran oleh Peserta untuk memproses maklumat peribadi sensitif Peserta yang dikemukakan, akan mungkin mengakibatkan Penganjur tidak dapat memproses penyertaan Peserta untuk tujuan Peraduan ini. Sekiranya Peserta tidak bersetuju untuk memberikan maklumat peribadi sensitif atau menarik diri daripada Peraduan, penarikan penyertaan tersebut perlu dibuat secara bertulis dan mesti diterima oleh Penganjur sebelum tamat Tempoh Peraduan. Oleh itu dalam keadaan sedemikian Peserta sudah dianggap telah menarik diri daripada Peraduan ini.